

# FLOREAN DAL PALAZZ

Al salto fur la Joibe - Ogni doi numars 5 centesims l'un - Bez subit

Si vendin là vie da l'Edicule e dai principai Tabachins dal centro e là vie di sior Luigi Ferri.

**Abonamens** par l'interno un An quatri francs: 6 mes doi francs: par l'estero il dopli.

**Inserzioni:** intindisi cu l'Aministrazion. Mandà i bez d'un letare raccomandade o in vaglia postal af sempla inditzz: — **Aministrazion dal Florean dal Palazz, Udin.**

## Osservazioni di Florean

Ejè une vèrgogne che in cheste citat che ha la pretese di jessi clamade colte e civil, e sein dai pipinòs vistùs di umin che si permetin continuamentri di insultà pe strade dai puars infeliz ché van drès pai lor fass, miezz nòs, miezz vi-stùs, plens di fredd e cu l'impronte su la muse des continuis soferenzis.

Che lis canals vagabondis si ciolin spàas di chesg infeliz al è brutt; ma al è anemò plu brutt la viodi dai umin che spinzin i berèchins a bersaglià cheste puare int.

Par cont miò o varès un bon consei di dà a dugg chei che mi predicoi di alza la vos a favor di chesg puars diai; lu fas vulintir, ma si viod che jo o batt par nuje, sicchè l'uniche e sarès che ogni citadin che al viodès insultà da lis canals chesg puars bersaglias, al vès la coscienza di cognossi i siei diris di protezion viars cui che no dà fastidi a nissun! Eh pardie che une buine volte e sarès finide!

Si vorès savè parcè, un al mi scriv, che dai siors tabachins une sciature di ciandelutis; no puedin dale par quatri centesims, volind ve cinq, mentri i girovagos e vendin tre sciature par dia centesims.

Guadagnà va ben, e va ben calcolà lis spesis di buteghe, ma o soi di parè che anco i girovagos e han il frugo des scarpis, il frugo dai polmons e la stanchezza tes giambis, e pur si contentin di un guadagn discret.

M'imagini che la fabriche i esodei a un prezi convenientissim e anzi lu vidiocul fatt dai prezis di dozene. Duncè da bràs siors tabachins, e vioda che benissim e puedin vendi lis sciature grandis a quatri centesims l'une e anemò e guadagnin abastanze!

E zire la vòs che cùl prin da l'an il sior Guvier al vev di cresci il prezi dai sigars, dai tabac di fun e di nas; par cui disperazion e lamens dai fumadors e dai tabacons; lamens e disperazioni justissimis.

Cui che al fume e cui che al tabache, al dovarès energicamentri protestà cùl no fuma e cui no tabac, ma sicome pur tropp plu che un us il tabac e il fumà al è un vizi, cussì e sarà assai difizil une proteste general.

Di plu no baste che si fume di cians, ma in barbe al regolament finanziari, e son dai tabachins che fasin la scielle dai sigars plu fumabili pai lor aventors favoris. E si che ches fatt al è une potent contravenzion, la qual e ven punide cun vine francs di multe, pùr e son squasi dugg i tabachins che han tal lor negozi pes scansis i solis pachas di sigars riservas pai lor beniamins, e intant in cause di ches favoritismo chell pùr diaul che nol ha che sis o dis centesims par ciolisi un sol sigar, al è condanat a fumà i scars che vegnin mitus sul banc dai siors tabachins.

E che la vada!

## Chell che Florean al sint senza ché

O hai sintut sabide che discorevin devant di me del Palazz Cernazai. Un al diseve che domandin tropp, un altri che no han fate nissune domande. Jo no sai altri che un al diseve: o riten che Telin al no ves difoltas a cedi il Palazz ex Belgrad vidind che no i da interes. Jo o riten che discoreassin par l'acquist da la Comune; vedarin se si sintarà alé stand che al devi jessi cousel a la Deputazion Provincial par- ceche sabide di sere e jere sedude preparatorie al Cafè Gnuv. E passavin ben doi denant di me che discorevin, ma o hai capit poc e vedarin de che al partorirà; o sares anca curios di savè se al vignia discorut su la facende de la rusde da l'Ospedal, di cui tal sfuei di joibe passade o hai discorut.



Dos fantatis e discorevin che P. Zulian final- mentri al è lât a fa il nuviziat di Gesuit che si saveva che al jere fatt da timp, une e dia; mi ha portat vie il our, e che altre no a mil Sestu cambiade? Si o soi cambiade, va pur tu gesuite, bon viaz, se tu savessis ce che mi displas, no che sei sciarade la Glesie di S. Antoni, ma che chell filatoi al sei puartat in che benedete Glesie, de Puritat; mi vares displasut mancui che al foss puartat in qualunque altre, e sperî in Dio e tal benedet Berengo che sintaran che nol è de- coros in che benedete Glesie; zà che uelin che sussisti, la Glesie ator i Gorga e jè adatade e zà che jè une part, che vadin dutis, e che i spiris sein i lor timons e confuart, e magari che vi- gnissin iluminadis a fasi dutis gesuitis.

## Leterature di Florean

### Perchè, Perchè??

Perchè tanto affannarti inutilmente

A sostener che 'l tuo meschino cor

Per me non ebbe palpiti d'amor?

Dimmi: Perchè? Smarrita è la tua mente?

Non lo ricordi più quel bacio ardente,  
Sovra la bocca mia deposto, allor  
Che, invasa di quel certo pizzicor,  
T'abbandonavi a me sì dolcemente?

Ti vuoi scusar col dir che ver non è;  
Bella ragion! Il se mi volevi ben  
Perchè mentir? Dimmi: Perchè, perchè?

E ver che un bacio spesso il cor non tocca;  
E a me che importa? E se dentro al mio sen  
Non giunse il bacio tuo... non l'ebbi in bocca??

## Da la Zae di Florean

O ricev e o publichi:

« Manciant a la me promesse al parares che o foss un basuar; tant plui venmi dit che puare femine che son dutis veretas sacrosantis, e che o scrivi par dutt ce che mi ha dit, che ul fa cognossi la so reson se anca e vessin di metile come Sbarbaro in preson (chest sior al è chell che al scriveve il giornal intitolat lis *Forcis. Can- dinis*.)

E varès lett il miò ultim articul scritt ai 19 di chest mes; imaginaisi duncè ce qualitat di tipo che al è chell Gialut: dispetos, invidios, capas di odià plui di qualunque: cussì al ha volut onorà cheste puare femine dal so velen fa- sind dugg i dispiès pussibi: le ha fate meti su di un giornal di un sior daben par une ciosse inocen- te, tant e jè vere che je cun la front alte i ha mandat a di da chell omp che al faseve i fossai ai puars muars l'animo so, chè se al jere innocent (come che il Gialut al diseve) al lés di je a giustificassi, come che fasin dutis lis personis onestis, ma lui nol ha vut mai il coraggio di di nuje, cheste puare femine duncè, cun dutis lis resons dal mond, quand che al passave e ripassave i voltave lis spalis in prove di riverenze.

Voleso savè parçè che chell Gialut al ha tant ajar: lu han fatt Ispetor cun mil e cinq cent francs a l'an, classe di band, ort e la tiare di cioli su la polente — lis messis po lis unis dos a dos, o tre a tre second lis circostanzis. Di cheste ciosse al podares fa testimonianze un bon sest di omp che al stà no tant lontan dal cafè de Nav: duncè mi pararès che si podares clamà chest Gialut negoziant di messis. Il so tirepis, che al stà al ristiel e che al fas lis reverenzis es

personis che mandin odor di essensis, al dovares ve un poce di umanitat e compati che puare int che fas i siei zardins: ma nuje, l'ordin (lui al dis i jè stat dat dal Ispetor cioè assolut Inquisitor (cuss) lu clame che puare femine) e che lui al devi fa il so dovè, ane di maltrata ches persona che nelin fa di paronis! Viodit dunce miei ciars letors come che nus han dade la cuarde al cuel nè plui nè mancui di un vidiel.

Cheste storie u se scrivara, un'altra volte, ari-viodisi cuu boce ridint joibe vott ».

★

O ricev e o publichi:

« Ti hai dit ciar Florean la setemane passade come l'uttie cui meriòs e son stas traspuartas a la Puritat, e afidat il dutt da l'oselade al ciapitul, adèmpind in tal mud a chell che al veve ordinat il gran Nevot, che finalmentri al è partit e che al ppartarà una bielesomute ai siei coreligionariis, i gesuis di Gurizze. Il biel po al è che l'opare del nevot e jè stade raccolte dai ciarlunis, anzi e han intenzion di fa chell che si faseve a Sant'Antoni, par fai rabie al puar Aròlvescul. Ma ce entravial lui, cu lis filastrocis plantadis da chel *babeo*, e sostignudis da so barbe e dal Seminari? Jo ti dirai il ver. Cumò, viostu, no si serce se non di fa partis, parcò che cuss s'intind di vè plui fuarze, par sustign i propriis capricis, la proprie supiàrbie, lis propriis ideis; tu viodis pur ce che fasin in parlament; vorestu che fossin di mancui i predis, che han vut simpri il podè assolut sore i popui, mediant lis lor barachis plantadis cul nom di religion, anzi voludis da Dio; ciale se no sin abastanze imbecil di crodi a lis lor fandoniis? Puar Dio: se nol foss tant bon, e che al sopuarte tantis umiliazioms, da dugg, sastu, sì: da dutis lis formis religiosis, che veramentri e sarèss ore che no lu nominassin mai nissun, parcò che lu rindin spregevol, come i antics filosofos e ridevin sui dios che al adorave il popolass.

★

Ma par tornà a diti di chel babeo che al è lèt vie, ti dirai che nol è tal che lu crodin, parcò che avind ciatat come Mosé, i siei *l'agens*, la filastroce e continuerà miei, essind trasportade tal

centro. Une volte, sastu, no si oistave nissun predi che al ves azardat di meti su coronutis, eseroizis, praticis di superstizion ne lis glesis; e seben che fossin un mongs di predis par servi chesg esaltas, dugg e vevin un poce di dignitat dal lor caratar, e no si avilivin no a fa lis clesis che si usin par dutt cumò, dopo il velen semenat dai gesuis tal 44, e al felis ritorno des trupis imperials tal nestri regno dopo il 48. E alora e jerin i predis imbecil e disin i modernos che lein il *Citadin*, il D. Margotto, il Busembaum e altris ispiradors di buteghe, continuand cuss, e metaran tant il ridicul in dutt che ane i plui babeos e dovaran cognosai, che evangelics, catolichs, protestans, ebreos, e altris di altri cult, e son dugg compagns; e chest, al è un mal.

★

A chesg avis Florean al rispuind: jo o soi còntent che lavorin in cheste forme, parcò che han la maledizion di Dio come i todèscs. Ti ricuardistu ce che faseve picia la pulizie i galan-sumin, imprigionà i vers citadins, tormentà chei che serciavin il ben, anzi la sicurezze del guviar dai tognos; chei che vedevin ben si gloriavin, essind sicurs che cuss nol podeve durà chel infam di guviar; e infatt tu sas come al è stat ciadut; l'organismo dai seminaris e da l'istituzion come e ul Rome catoliche, no po la indenant, e dugg i sfuarz che fas, no servin che a demolile, tant plui che la libere stampe e svele dutt, e la scienze e fas cognossi veretas, che prime de libertat al jere permitut che a pos che studiavin in secret par no fasi brusà.

★

O ricev da Gurizze che il gouv gesuit nol restè parcò che nol è att nemanco a lavà i plas in cuisine, e o voreass contati une bieles ma mi riservi tal prossim numar di fa ridi i Udines in proposit di cheste bieles ereditat vude chesg diis. Notait che son dai stupis a Gurizze, ma no a chell segno che voaltris e crodis dai puars gurizzans.

★

Sicome Florean al duar poo, e al jeve a buine ore, o passavi zà qualche di vicin a la Puritat, e o viod une fie di Marie o di qualche altre sbrendolarie che inventin i predis, cuu d'une clav a viarzi la

puarte di che glesiate; in veretat mi ha fatt sens, perchè che o hai dît trop frans dal Plevan di Redentor, ma o yiod che la ciosse istesse e jê stabilide anco dai cialunis. Biète pardie! Isai negozi che al fasin su chestis fottis di zâ votcent agns, e che no revin capit nujê chel doi omenons che direzin la parochie dal domo? Oh! ju temesarin come che al va, parcè che no disin, che tal centò de citat, si vevi replantat unê biète sentenze di stupide credinze ereditade dal barbe, e divulgade dal nevoz e dai siei stûpis seguas. Benedete che religion semplice che hab i bogns popul e che no tind a fe bruteghe!

Jo cumò no stoi a diti che se chest Sindich al è lât fur a noi è lât par desideri dal pais, ma par lis vendetis di trê o quatri mal intindus e o uel invece domandai a chesg tai (che za e han scritti o fat scrivi lor chell articul): siccome che la bandiere no si espon che par lis solenitas, parcè aj 20 di chest mes cioè vinars che jere la nascite de Regine no hannò mitade fur cheste benedete bandiere? Ise forsi più solenitat il di dal compliment des lor vendetis, opur il di de nascite de regine? O spietî rispueste!

Un dal pais

★★

O publichi ches che mi mandin:

« Florean! Leistu mai la Gazette di Vignesie? Oh al o crodarai che tu la leis qualchi volte! Voress preati che tu tradussess in furlan che apendios che jê stade chesg diis, su d'unê *legende russe*, che dimostre che chell che l'ha scritte al vevi un'anime semplice e nobilissime, educand con che legende, il popul slav, a cognossi qual sei la vere religion di seguitiss e che devi plaze al Signor che al ame il ver. Dopo di vè dît tantis bielis ciossis, al conclud la so storiute « che l'omp nol viv solamentri dai siei bisungs de so miserie egoiste, bensì al viv al contrari dal so amor e da la so caritat. Dio al ul che ogni omp al devi vivi par i altris. In tal mud il Signor al fas cognossi a l'omp, quai che sein i vers *siei bisungs no par sè stess, ma par dugg*. » E al conclud che i umin e crodin di vivi par i lor afanos; invece lor in veretat no vivin che par l'amor. Qui che al possed l'amor al è come un Dio, e Dio viv in lui, parcè che Dio al è dutt amor. No ti parial di sinti Vitor Ugo? Altro che barbars in Russie? No altris e sin i barbars; parcè e vin tantis legendis in glesie, che se fossin lis gialinis a sinti chei barbezuans di prediadors, e ridarassin anco lor ches puaris bestis! »

Mi scrivin:

Un zovin, nance tant veramenti, al ha dedicate a la so simpatie cheste poesia che ti mandî par che tu la publichis.

« Sulla tua fronte la bontà risplende  
E negli occhi sta pinto il candore,  
Il vederti ogni dì dieto mi rende  
Ma d'iusata gioia or mi riempie il cuore.  
Or che a te vengo pieno d'allegria  
Ad augurarti quanto l'uom desia:  
E a dirti che quest'umile complimento  
Che oggi ti faccio col cor contento,  
Spero dal labbro mio ti sarà renduto  
Anche allor che il mio crin sarà canuto. »

## AVIS DI FLOREAN

Essind cambiade l'amministrazione dal sfuei, al è stat provedut par che gnûvs e brians e valentissins colaborators e prestin la lor opare util e dileteval te pubblicazion di *Florean dal Palazz*. Par cui si viars un gnûv abonament al sfuei, da prin Decembar 1885, a dutt 31 Decembar 1886 al prez di quatri frans, par cui i gnûvs abonas e varessin il sfuei *gratis* par un mès, cioè dal prin a dutt 31 Decembar di chest an.

Cheste cucagne nol po dale che *Florean*; dunce aprofitait fin che ses in timp. E savês ce che al dis il proverbio: *chi ha tempo non aspetti tempo*.

VINCENZO LUCCARDE, *Directo responsabile*  
Stahparie Jacob e Colnagoe.

« No mi visi in ce numar ma o sai di vè lett sul to giornal in une corrispondenze di Ciampfuarmid che in ocazion da la ciadude dal Sindich sensal di chest pais, e fa stade esponude la bandiere dal Municipi, che no si espon nome tes grandis solenitas, par vôt da l'interè popolazion.